

Ilahije i kaside

Ah ihvani merhaba	Ejne ente ya Habib
Ahmede Muhammede	Gdje su Mekka i Medina
Ako pitaš za dervise svijeta	Hej jablane, dušo moja
Allah, Allah	Hej mubarek Ramazan
Allah, Allah noć prolazi	Hori, hori vasiona
Bajrak islama nosimo	Ilhamom sam sinoć ja
Bajram dođe	Ja Muhammed
Boli, boli tvoj odlazak	Ja Resulallah
Daj da vidim bejtullah	Kad procvatu behari
Der vakti subhi	Kad ti dođoh do mezara, Ja Resulallah
Dobro nam doš'o	Kerbela
Dosta mi je Allah moj	Ko ne miri aška cvijeće
Ebu Bekrova ilahija	Kraj Kabe sam ja stajao
Ej Allah, pogledaj me	Kud god da se okrenem
Ej ašici	La ilahe illallah
Ej vatan	Ljubav Boga milostivog

Next page

Ilahije i kaside

Majci i ocu	Sallallahu ala Taha
Medžlisi zikir	Šehidi
Moja duša kurban	Selam ya Resulallah
Muhammed je kruna svega stvorenoga	Sidi sa brda svjetlosti
Nad kevserom tuba lišće	Srce ima vrela dva
Naređeno slušajmo	Taleal bedru alejna
Nemoj žalit suzama	Tebe trebam
O, zefire	Teku rajski potoci
Od Mašrika do Magriba	Tobe dođimo
Oprosti ja Rabb	U dergjahu mog srca
Pjesma mladom mjesecu	U Medinu pošao bih
Pogledaj nas ja Rabb	Ya ilahi
Potlje jednog ne miluj	Za licem tvojim
Pozivam te insane	Za te ljubav obuze me
Puni mjesec nas obasja	Zašto ječiš moj dolape
Rabba traži i uči	Zbog tebe
S dunjaluka ič' počesmo	Zovemo te

Back

Ah ihvani merhaba

Ah ihvani merhaba
najljepše je kod Rabba
Ašiku se dopada
La ilahe ilallah.

Kad se srce razgrije
duša okov razbije
tad se Rabbu putuje
La ilahe ilallah.

Srcem Rabba voliti
sa Resulom moliti
Šejh će ti kazivati
La ilahe ilallah.

Ovaj dunja prolazi
za čas jedan sve to bi
srce moje ti budi
La ilahe ilallah.

[Home](#)

[Next page](#)

by Amsal M.

Ovaj dunja varka je
niko ne zna kakav je
Ašik budi saznaćeš
La ilahe ilallah.

Derviš Zakir čudan je
za Gejlanom Ašik je
njegov iman samo je
La ilahe ilallah.

Home

Ahmede Muhammede

Moje srce tužno je,
što nejmade sreće te, - 2x
da druguje uz tebe,
Ahmede Muhammede. - 2x

Kao naj kad zaplače,
moje oči zarose, - 2x
željne tvoje blizine,
Ahmede Muhammede. - 2x

Ti si Milost milosnom
ti si radost srca mog, - 2x
ti si mehlem za rane
Ahmede Muhammede. - 2x

[Home](#)

[Next page](#)

by Amsal M.

Aškom srce mi gori,
željno Tebe da vidi, - 2 x
naš dragi Pejgambere,
Ahmede Muhammede. - 2 x

Mojoj duši mehlem je,
kad salavat donese, - 2 x
kad Ti ime spomene,
Ahmede Muhammede. - 2 x

Home

Ako pitaš za Derviše svijeta

Ako pitaš za Derviše svijeta
pogledaj im po svijetu turbeta,
sve je u njih što imade Izzeta
Allah, Allah srcem zbori dervišu.

Gledj brate velikoga devleta
ne ostavljaj devletinog sunneta,
imat' ćemo svi po osam Dženneta
Allah, Allah srcem zbori dervišu.

Ti ne gledaj što ih neko pometa
terk ne čine oni svoga hizmeta,
jer ne ima himmeta bez hizmeta
Allah, Allah srcem zbori dervišu.

Srebra, zlata koji tražeć' ne luta
On će naći Allahovog Rahmeta,
na svijetu to je prava ljepota
Allah, Allah srcem zbori dervišu.

[Home](#)

[Next page](#)

by Amsal M.

Ko ne pita svoga Šejha, ne sluša
široko mu nek' se dobro okuša,
opet kažem ljepota je najveća
Allah, Allah srcem zbori dervišu.

Ilhamiju više ništa ne smeta
otkad nađe Allahova Rahmeta,
on ne traži ni od koga hizmeta
Allah, Allah srcem zbori dervišu.

Home

Allah, Allah

Allah, Allah Ya Allah, rob se Tebi odazva.
Nakon patnji golemih, nadje dusi svojoj mir. Allah

Toga mira neima, bez Tvog lijepog imena.
I svijesti o Tebi, da sve dajes nama Ti. Allah

Ti nam dajes dobrotu, a i svaku nedacu.
Da ispitais robove, da saperes grjehote. Allah

Njemu zivot predaj svoj, i ne reci ja bih to.
Da ti kusnja ne dodje, zalud zivot da prodje. Allah

Musa rece ja hocu, a Rabb kaza i ja cu.
Po Musau ne biva, vec je volja Njegova. Allah

Prolaznici ovdje smo, Njemu se odzovimo.
Svog resula volimo, sa njim uvijek bicemo. Allah

Allah, Allah Ya Allah, nek nam bude zadnji dah.
Zelja jedna jedina, Tvoje lice Ya Allah. Allah

Home

by Amsal M.

Allah, Allah, noć prolazi

Allah, Allah, noć prolazi,
a san oku ne dolazi.
Nigdje glasa, žive duše,
niti s grana da zapuše.

Dlanom o dlan, već rastanak,
na dunjaluk pao sanak.
U prozoru zvijezda, dvori,
dunjalučko ruho gori.

Srce, broši i đerdani,
nisu za te salivani,
niz tvoj krš se staze steru,
utabane u čemeru.

Kofu žuči srce nosiš,
za Ahiret stvoreno si,
kad potone mjesec mladi,
izlit ću je na sedžadi.

Home

Bajrak íslama nosímo

Čvrst jemin Rabbu dajemo
da naše vjere ne damo
bajrak íslama nosimo
Tvoji smo, Tebi se vraćamo.

Šehidima Tvojim bićemo
straha od smrti nemamo
srcem šehadet učimo
Tvoji smo, Tebi se vraćamo.

Džihad je naša sudbina
želja je naša jedina
svjetlom tamu da satremo
Tvoji smo, Tebi se vraćamo.

Tevekkulom, sabrom se branimo
Allahovog užeta držimo
bajrak íslama nosimo
Tvoji smo, Tebi se vraćamo.

[Home](#)

[Next page](#)

by Amsal M.

Sretni sedždu ti činimo
u dovi smjerno molimo
u hladu arša sjedimo
Tvoji smo, Tebi se vraćamo.

I kad se nebo otvori
najveća želja ispuni
bajrak islama nosimo
Tvoji smo, Tebi se vraćamo.

Home

Bajram dođe

Bajram dođe mirišu avlije
behar pada s grane šeftelije
ptica, insan svako se raduje
a ja nemam s kim da bajramujem

Dženetlije putuju
svom se gostu raduju
u bajramskom odjelu
u dženetskom veselju

Sa vratnica džamijskog harema
džemat ide ahmedije nema
preslagana uoči bajrama
i mošusom divnim mirisana

Dženetlije putuju
svom se gostu raduju
u bajramskom odjelu
u dženetskom veselju

[Home](#)

[Next page](#)

by Amsal M.

Koga jutros dočekat veselo
uz ruku mu pritisnuti čelo
pusto kuca srce se stužilo
opustilo što se zelenilo

Dženetlije putuju
svom se gostu raduju
u bajramskom odjelu
u dženetskom veselju

Home

by Amsal M.

Boli, boli tvoj odlazak.

Otrgnut s grančice cvijet,
odneše ga puhor blag.
Otrgnut s grančice cvijet,
neostavi puta trag.

Boli, boli tvoj odlazak.
Studen kamen na srcu.
Odniješe te ćefini
u džennetsku baščicu.

Pitam ustap i mlađake
duša kuda, ti šeće.
Pitam zvijezdu spavalicu
i onu što s neba slijeće.

Aršu Rahman kad zab'jeli
mrtva zemlja sva ustrepti,
ja ću zvati tvoju dušu:
mojoj duši da doleti.

Home

Daj da vidim Bejtullah

Sva bogatstva ovog svijeta
u jednom času bi dao
kad bi Mekku ugledao
pored Kjabe kad bi stao

Allah, Allah ja Allah
daj da vidim Bejtullah!

U Bejtullah kad bi ušao
na sedžu bi Rabbu pao
sa suzama u zikiru
vječno bi tu ja ostao

Allah, Allah ja Allah
daj da vidim Bejtullah!

[Home](#)

[Next page](#)

by Amsal M.

Na Arefat kad bi stao
u dovu bih stvorio se
u zanosu do vječnosti
svome Rabbu molio se

Allah, Allah ja Allah
daj da vidim Bejtullah!

Kad bih Zemmzem vode pio
teret s duše ja bih skino
lebejkellah srce zbori
hvala Rabbu što me stvori

Allah, Allah ja Allah
daj da vidim Bejtullah!

Home

by Amsal M.

Der vakti subhi

Der vakti subhi gujun
buj Muhammed Amed
endes sabah himegdan
buj Muhammed Amed.

Amed, Amed, buj Muhammed Amed
Amed, Amed, buj Muhammed Amed

Der vakti sumbul ugjun
dihalni hoši bulbul
ez bulbuli hašikan
buj Muhammed Amed

Amed, Amed, buj Muhammed Amed
Amed, Amed, buj Muhammed Amed

Dinla bi zajtu hudrun
der medžrisi ganifan
es sohbeti hašikan
buj Muhammed Amed.

Amed, Amed, buj Muhammed Amed
Amed, Amed, buj Muhammed Amed

Home

by Amsal M.

Dobro nam doš`o

Dobro nam doš'o najveći sine
Arapskog roda i domovine!
Dobro nam doš'o stari plemiću,
Hašimoviću, Kurejševiću.

Koji će slabe dići na noge,
i spasit' ropstva narode mnoge.
Dobro nam doš'o, prosvjetitelju,
zagovorniče i spasitelju.

Tebi za ljubav ljudi se druže
da čovječanstvu zajedno služe.
Sve Tebe voli, prirode diko,
staro i mlado, malo, veliko.

Suri Israfil kada zapuše
u Te se naše uzdaće duše.
Ti nesretniku blažićeš muke,
Ti grijешniku pružaćeš ruke.

Home

Dosta mi je Allah moj

Kad u jemo osvanu
i tamnice dopa'nu
Jusuf lijepi uzdahnu
Dosta mi je Allah moj!

Tiridžije žed nose
kofu praznu donose
nad jamu se nadnose.
Dosta mi je Allah moj !

Dokaz i sne usnije,
prođu teške godine
do teobe njezine.
Dosta mi je Allah moj!

Eto dana radosnog
i mog babe kaharnog
i devleta rahatnog.
Dosta mi je Allah moj!

[Home](#)

[Next page](#)

by Amsal M.

Svaka noć sad dan rodi
Allah muku providi,
svemu kraj se nahodi.
Dosta mi je Allah moj!

Hasta traži dermana,
asker svoga sultana,
ašik dragog insana.
Dosta mi je Allah moj!

Home

Ebu Bekrova ilahija

Moj Allahu podaj dosta
onom kom je skraćen mal,
siromahu koji dođe s istinom
na dželil prag.

Grijech je njegov grijeh veliki,
oprosti mu, ya Rabbi.
On je jadan i griješan
rob ponizni, rob Tebi.

On griješi, zaboravlja
u gafletu podosta,
a Ti daječ vel'ko dobro
i poslije oprosta.

Gospodaru, grijesi moji
nakupljeni kao prah...
oprosti ih, Svemogući,
još povećaj oproštaj.

[Home](#)

[Next page](#)

Kakav je moj hal, Allahu,
malo dobra pri meni,
puno lošeg a ita'at slab
k'o konac svileni.

Zaštiti me od bolova
i želju mi ispuni,
bolesno je srce moje
a bolesnom lijek si Ti.

Rabbi mojoj vatri reci:
“Budi hladna kad pržiš!”
K'o što s' reko: “Budi hladna,
Ibrahima na prži.”

Ti si Šafi, Ti si Kjafi,
dovoljan svim prilikam'.
Ti si Tvorac i Gospodar,
ljepog li zaštitnika.

[Home](#)

[Next page](#)

by Amsal M.

Rabbi, podaj svako dobro,
Davalac Si plemenit.
Daj mi što mi duša žudi,
na put me Ti uputi.

Daj nam snage, Ti nas spasi
od čeg' strahujemo mi.
Gospodaru, kad si Sudac
Tvoj pozivač je Džibril.

Gdje je Musa, gdje je Isa
gdje je Jahja, gdje je Nuh?
"Ebu Bekre, griješniče,
tevbu čini Allahu!"

Home

Ej Allahu, pogledaj me

Ej Allahu, Svjetlo duše
i plavog neba Vlasniče,
kud god lice ja okrenem
Tvoj Pogled me se dotiče!

Ej Allahu, ej Radosti
nada svima radostima,
ja iskusih sve ljubavi,
ali ko Tvoje ne ima!

U suzama kad se gušim,
kada srce tuži, ječi,
dozivam Te, oči susim,
čujem Tvoje Svete R'ječi.

Ej Allahu, pogledaj me,
dno duše moje Ti vidiš,
koliko Te ona voli
i kol'ko se Tebe stidi!

[Home](#)

[Next page](#)

Ti me nemoj ostaviti,
tako Ti vel'kog subhana,
ja ću Tebi tobu činit,
gr'ješan, al' džana odana.

Naša mati Hadzera
S br'jega na br'jeg hitila,
kano lasta zivkala,
povojče pogledala,
naša mati Hadzera.

Allah, Allah, ya Allah,
na Te se ja oslanjam!

Vidje l' iko muka tih,
i halova majčinih,
i damara dušinih,
gdjeno nikog ne ima?!

[Home](#)

[Next page](#)

by Amsal M.

»Ibrahimov Rahmane,
Koji slušaš uzdahe,
ko god muka dopane,
spasi moje dijete!«

Bož'ji rob kad smalaksa,
tiho voda zatapka,
a Ismail proplaka –
Allah joj se odazva!

Ko Allaha zavoli,
šta mu rekne učini,
kapije mu otvori
odakle se ne nada.

Junus Džemal rek'o je:
spasio se svako je
svom Rabbu ko hit'o je
mesela ko Hadzera.

Home

Ej ašići

Ej, ašići, hod'te amo
da čujemo, pogledamo
kakvo nam je naše stanje
kud' idemo grdne rane?

Dunjaluk će brzo proći,
valja vječnoj kući doći
sutra sunce će izaći
naske ovdje neće naći.

Valja saprat gr'jeha dosta
i dočekat smrtnog gosta!
A tvoj ummet je žalostan
šta ja činim, gdje sam, ko sam?

Ehli iman imal' koga
osim Boga Jedinoga
da ga štiti nedužnoga
od fursata dušmanskoga.

Gdje je vjere naše uže,
pa da nam se srca združe
pa da jednom odahnemo
rahat živ'mo i mrijemo.

Home

Ej vatan

Onog časa kad nam oči
ovaj svijet ugledaše
zbog rastanka sa izvorom
gorkom suzom proplakaše
taj plač dječji što se čuje
glas je naja što kazuje
tužnu pjesmu svaki dan

Ej vatan, ej vatan

Gdje ostaše oni časi
kad nas ovdje nije bilo
da ne boli taj rastanak
ne bi srce krvarilo
ko glas naja noć i dan

Ej vatan, ej vatan

[Home](#)

[Next page](#)

by Amsal M.

Šta nam budi uspomene
šta nas zove u sjećanje
pa nam ovdje stanaka nema
i to znamo bez učenja
čežnja su nam java san

Ej vatan, ej vatan

Domovina naša nije
dunjaluca ovog jad
putnici smo u prolazu
pod vječite sreće hlad
mi plačemo kad volimo
i u dovi dok molimo
dušom zbori svaki dan

Ej vatan, ej vatan

[Home](#)

[Next page](#)

by Amsal M.

Pod kopita naših konja
džennet svoje rijeke lije
žedni jure konjanici
mjestu gdje se i smrt pije
ovo nije brate san

Ej vatan, ej vatan

Budno čuvaj svoj iman

Ej vatan, ej vatan

Home

Ejne ente ya Habib

Ljubav svoju ti si dijelio,
Rukom svojom sve si uvijek milovao,
Putem kojim ti si prošao,
Nurli stope tvoje ljubimo.

Ahmede, Nure Aršillah
Mustafa, Sejjidul kevnejni,
Muhammede, emine Vahjillah,
Ve hatemenn-nebijjin.

Ref:

Salli ja Rabbena
alen-n-uril mubin
Ahmedel Mustafa
Sejjidel murselin
ve ejne ente ja Habib

[Home](#)

[Next page](#)

by Amsal M.

My every single step will witness you,
Without your guidance everything is in vain,
Every moment, every breath we take,
We regret being without you.

Ahmedim, Habîb-i zîşânsın
Mustafam, Sultân-ı levlâksın
Muhammedim, Nur-u hüda'sın
salvatın amacı.

Ref:
Salli ja Rabbena
alen-n-uril mubin
Ahmedel Mustafa
Sejjidel murselin
ve ejne ente ja Habib

[Home](#)

[Next page](#)

by Amsal M.

Ja Habib,
Sprache des Herzens sagt zu mir,
Dass jeder Atem ohne Dich verloren ist,
Weil du unser Geliebter bist, Šefaat machen wirst,
Zeig uns den Weg zu Dir, Ja Habib.

Home

Gdje su Mekka i Medina

Od Bedranskog, sinko, polja, od pustinje pjeskovite
pa do Bosne šumovite, preko brda, sinjih mora,
neko je krv svoju lio da bi ti Musliman bio!
Zovnuh Rabbu'l-'alemina: Gdje su Mekka i Medina ?!
K'o da Arš mi dževab prosu: Daleko su, daleko su!

Dragi naš Resulullahu, dragi Hamza, dragi Ali,
Bošnjaci vam selam šalju: Ovaj život su prodali!
Što očima gleda svojim tog se Ummet vaš ne boji!
Zovnuh Rabbu'l-'alemina: Gdje su Mekka i Medina ?!
K'o da Arš mi dževab prosu: Daleko su, daleko su!

Drage naše devletlije, vid'te u kom' smo azabu:
mnogi evlad nejma babu, poklaše nas haramije!
U mukama nejač stenje, sela su nam pod bušenjem!
Zovnuh Rabbu'l-'alemina: Gdje su Mekka i Medina ?!
K'o da Arš mi dževab prosu: Daleko su, daleko su!

Gdje su Mekka i Medina, gdje su borci ensarije?
U Bosni se krv sad lije za spas našeg časnog dina!
Ovdje tekbir se prolama! Bosna – to je Bedr islama!
Zovnuh Rabbu'l-'alemina: Gdje su Mekka i Medina ?!
K'o da Arš mi dževab prosu: Daleko su, daleko su!

Home

Hej jablane, dušo moja

Hej jablane, dušo moja
Ne vidje li ti Ahmeda?
Sada dođe, ovda prođe;
Deder pitaj ove česme.

Česmo, česmo, dušo moja,
Ne vidje li ti Ahmeda?
Sada dođe, abdest uze;
deder pitaj te džamije.

Hej džamijo uzvišena,
Ne vidje li ti Ahmeda?
Sada dođe, namaz klanja;

[Home](#)

[Next page](#)

by Amsal M.

Deder pitaj te čaršije.
Her čaršijo, dušo moja,
Ne vidje li ti Ahmeda?
Sada dođe, ćefin uze;
Deder pitaj to mezarje.

Hej mezarje, dušo moja,
Ne vidje li Muhammeda?
Do sada je s vama bio,
A sada je nama došo.

Mezar – taš mu postelja je
A jorgan mu zelen pokrov.

Home

Hej, mubarek Ramazan

Tvojim sjajem obasjan
cjeli svemir razdragan
ko ružičnjak nasmijan
hej, mubarek ramazan.

Svjetovima rahmet si
poklon Rabba Svevišnjeg
Ummetu si nagrada
hej, mubarek ramazan.

U obrvi mlađaka
punom licu uštapa
čast veliku imaš ti
hej, mubarek ramazan.

Među dvanest mjeseci
kao sunce sijaš ti
Kur'an siđe u tebi
hej, mubarek ramazan.

[Home](#)

[Next page](#)

by Amsal M.

Svih mjeseci car si ti
utočište griješnih
od Dženneta ključ si ti
hej, mubarek ramazan.

Rahmet prva trecina
a druga je magfired
treća sami selamet
hej, mubarek ramazan.

U dušama Tvoj je mir
u kućama Tvoj miris
veselje si i radost
hej, mubarek ramazan

Za šejtane muka si
postačima pomoć si
radost ti si velika
hej, mubarek ramazan.

[Home](#)

[Next page](#)

by Amsal M.

Tebe treba postiti
Allahu se približit
blagodat si velika
hej, mubarek ramazan.

Tvoj je nakit teravih
Kur'an Zikir i Tespih
svijetle te kandilji
hej, mubarek ramazan.

Kur'an uče hafizi
vaz kazuju vaizi
to su tvoji bulbuli
hej, mubarek ramazan.

[Home](#)

[Next page](#)

by Amsal M.

Naziv takav dat ti je
da si mjesec oprosta
Rabbov rahmet griješnima
hej, mubarek ramazan.

Oprošten od grijeha
ko u tebe ne bude
uvijek mahrum ostaće
hej, mubarek ramazan.

Selim Sami želio
pohvale ti kazati
učini mu sef'at
hej, mubarek ramazan.

Home

by Amsal M.

Hori, hori vasiona

Hori, hori vasiona
oblak bijeli putuje!
On putuje, dušo moja
tamo gdje smo sreli se.

Kapije su gore otvorene,
umiljate kajde gore bruje.
Nemoj nikad reći da je tiho.
nego reci: Ja nista ne čujem!

Onaj govor najdalje dopire
koji dušu iz gafleta uvijek budi
ako oči nisu zatrpane
onim čega su se nakrali ljudi.

Spavalice, de otvori srce
pa pogledaj u one sahate
đe se čekrk okreće bez stanka!
Zar ne čujes zikr i salavate?!

Home

by Amsal M.

Ilhamom sam sinoć ja

Ilhamom sam sinoć ja
sejrio Muhammeda, Allah -2x
U dergjahu mog srca, Allah
ja sejrih Muhammeda. -2x

Na glavi mu amame
zelen džuba o rame, Allah -2x
Jalum daje na sve strane, Allah
ja sejrih Muhammeda. -2x

Iz pregršta Muhammed
napio bi sav svijet, Allah -2x
Od Hakka je hidajet, Allah
ja sejrih Muhammeda. -2x

U safov'ma meleki
sejriše Muhammeda, Allah -2x
I ja s njima tud bijah, Allah
Ja sejrih Muhammeda. -2x

Home

by Amsal M.

Ja Muhammed

Ja Muhammed, ličnost tvoja
Fadiletu nema broja
Ja Muhammed ti si nuri
Tvom džemalu nema slični

Sali ja Rabuna alen nuril mubin
Ahmeden Mustafa Sejidel Murselin

Ja Muhammed ti si šafi
Tvoja riječ je meni kafi
Ja Muhammed ti si Ali
Svaki mumin tebe fali

[Home](#)

[Next page](#)

by Amsal M.

Ja Muhammed hoću tebe
Ja ne gledam više sebe
Ja Muhammed ti si rahmet
I ja derviš nado ragbet

Ja Muhammed ti si vrata
Za derviša rudnik zlata
Ja Muhammed ti si Selam
Kod tebe sam našo derman

Ja Muhammed primi od nas
Da sam mumin i tvoj ašik
Svaki derviš tebe voli
I za šefat tebe moli

Home

by Amsal M.

Ja Resulallah

Kada tvoje ime čujem
Ja se srcem obradujem
Kada uče salavati, ja Resulallah
Iz oka nam suza kapi, ja Habiballah

Ti si milost cijelom svijetu
Ti si dika svom ummetu
Za nas griješne ti se moli, ja Resulallah
Jer te naše srce voli, ja Habiballah

Allah te je odabrao
Kur'anom te darovao
Naše misli tebi žude, ja Resulallah
Salavatom nek se bude, ja Habiballah

Kad pružimo tebi ruke
Izbavi nas teške muke
Salavat nam duša zbori, ja Resulallah
Od aška nam srce gori, ja Habiballah

Home

Kad procvatu behari

Kad procvatu behari
kad dunjaluk zamiri
duša čežnjom procvili
davno smo se rastali

Allah, Allah Hak Allah
Allah, Allah džellalah
Allah, Allah Hu Allah
la ilahe illAelah.

Ovo nebo nad nama
sjena je od zastora
sedam kada nebesa
usred naših je prsa

(Refren)

Proljeće je u nama
kad se topi suzama
i pustinja procvjeta
nudeć sliku Dženneta

[Home](#)

[Next page](#)

by Amsal M.

(Refren)

Sve te ruže crvene
od krvi su rumene
krv i suze ostaju
srcu kojeg ubiju

(Refren)

A ja spavam ne hajem
ko me zove ne čujem
moja duša je ko naj
plače traži zavičaj

Allah, Allah Hak Allah
Allah, Allah džellalah
Allah, Allah Hu Allah
la ilahe illAelah.

Home

Kad ti dođoh do mezara, ya Resulallah

Kad ti dođoh do mezara, ya Resulallah,
kad ti duša selam nazva, ya Habiballah,
ko Sulejman uz štap stajah, ya Nebijjallah,
obeseljen i kaharan, ya Sefiallah!

Sve do svoda nebeskoga
zavoljeh te, Muhammede,
više nego ikog svoga,
šefadžijo srca moga!

Dvorce, hazne, zijamete, ya Resulallah,
kralj i sultan ostavljaju, ya Habiballah,
zeman – ruka sve zamete, ya Nebijjallah,
vjetar na njih praha, ya Sefiallah.

Ti ostavi samo r'jeci, ya Resulallah,
ko svoj miraz od Rahmana, ya Habiballah,
da nam srce se izl'jeci, ya Nebijjallah,
kad od straha grješno ječi, ya Sefiallah!

Home

Kerbela

Ovdje je sada kerbela
Tu u mojim prsima
Hasan i Husejn u srcu
Velika tuga za njima

Hasan i Husejn dva cvijeta
Rano su rano ubrana
Svaka ih duša ašika
Plaćući sada doziva

Ne skrivaj istinu o njima
O Ehli-bejta bolima
Od kada resul preseli
Zulum ne prestade nad njima

[Home](#)

[Next page](#)

by Amsal M.

Zalimi neka su prokleti
Istinu jasno su vidjeli
Ali iz želje za vlašću
U laž su oni otišli

Kerbela sva Kerbela sva
Od krvi tvoje crvena
Zovem te zovem ja Husejn
Zovem te srca slomljena

Home

Ko ne miri aška cvijeće

Sabah stiže, puklo džemre,
obuzelo svu je mene.
Sjetim Te se i spomenem,
oko duše iz sna prenem...

Ovah uzdah drobi st'jene,
nosi tugu, l'ječi verem...
Novi dan ti poklonjen je,
kažu ptice rasanjene...

Dok me grane zovu, mašu,
da napunim srca čašu,
rosom aška, zorom sašlu,
u beskrajnu bašču našu.

[Home](#)

[Next page](#)

by Amsal M.

Bulbul mi u jednom dašku
kaže: Gledaj cv'jetnu časku.
Ko ne miri aška cv'jeće,
nikad se probudit neće.

Moje srce svanulo,
u njem sunce granulo!
Širim ruke, Nebo grlim,
moj Sultane, Tebi žurim!

Home

Kraj Kabe sam ja stajao

Kraj Kabe sam ja stajao,
hej, aman, aman, ja stajao,
crne grijehe sapirao,
hej, aman, aman, sapirao!
Svom se Rabbu odzivao:
Lebbejkellahumme, lebbejk, lebbejkeAllahu!
Svom se Rabbu odzivao:
Lebbejkellahumme, lebbejk, lebbejkeAllah!

U tavafu hodao sam,
hej, amam, aman, hodao sam,
kano zvijezda drhtao sam,
hej, aman, aman, drhtao sam!
Ko Ibrahim vikao sam:
Lebbejkellahumme, lebbejk, lebbejkeAllahu!
Ko Ibrahim vikao sam:
Lebbejkellahumme, lebbejk, lebbejkeAllah!

[Home](#)

[Next page](#)

by Amsal M.

Pokraj vrela Zemzemova,
hej, aman, aman, Zemzemova,
slegla jata labudova,
hej, aman, aman, labudova!
Žamor želja i glasova:
Lebbejkellahumme, lebbejk, lebbejkeAllahu!
Žamor želja i glasova:
Lebbejkellahumme, lebbejk, lebbejkeAllah!

Iz srdašca ašikane,
hej, aman, aman, ašikane,
te rijeke neprestane,
hej, aman, aman, neprestane!
Teče islam na sve strane:
Lebbejkellahumme, lebbejk, lebbejkeAllahu!
Teče islam na sve strane:
Lebbejkellahumme, lebbejk, lebbejkeAllah!

Home

Kud god da se okrenem

Kud god da se okrenem,
Tvoj me znak opomene:
valja, bogme, broditi,
gole ruke sklopiti,
iz praha se roditi...

Vela havle, šta mi je?
Ništa nije ko prije:
Gorkne voda, tamni dan,
pod nebesim' ja sam sam,
gdje li je moj vječni stan?

Svugdje jedan glas čujem,
ko kad kisa dobuje,
i on mene savjetuje
da su pošle jengije,
da poredim avlije.

Vela havle, šta mi je?
Ko dunja kad sazrije,
samo što ne opane,
sa čardaka, sa grane,
u vrtove prostrane.

Home

La ilahe illellah

Dragi brate tuguješ, La ilahe illellah,
Srce svoje bolom truješ, La ilahe illellaaah,

Šejtan te je saletio, La ilahe illellah.
Pa si nadu izgubio, La ilahe illellah,

Božji rahmet – koliki je, La ilahe illellah,
Veći nego ovaj svijet, La ilahe illellah,

Uzmi abdest, klanjaj namaz, La ilahe illellah,
Pridruži se sufijama. La ilahe illellah,

Zbac' sa sebe otu moru, La ilahe illellah,
I predaj se razgovoru. La ilahe illellah.

Sa Allahom, zikrullahom, La ilahe illellah.
Na divanu razdraganu, La ilahe illellah.

[Home](#)

[Next page](#)

by Amsal M.

Da ti srce izliječi, La ilahe illellah,
Onom Svojom derman riječi. La ilahe illellah,

Doć' će vakat umirati, La ilahe illellah.
Pa Dvojici dževap dati, La ilahe illellah.

Đe je otac. đe je mati. La ilahe illellah,
Kad te počnu pretresati. La ilahe illellah.

Junus-Džemal govori ti. La ilahe illellah.
Din-imanom se okiti, La ilahe illellah,

Pa će ishod sretan biti. La ilahe illellah,
Moj akrane plemeniti, La ilahe illellah.

Home

Ljubav Boga Milostivog

Ljubav Boga Milostivoga ne imade kraja,
Vječno puni, vječno krasi, prostore beskraja.

Za onog je ko je prosi i u Vječnost nosi,
Od beskraja do beskraja, granice su Raja.

Svevišnji je darovao sve dobro islamu,
Dao mu je svjetlo duha da razgoni tamu.

Ko to vidi, okreće Mu lice, daje srce,
A leđa je okrenuo grijehu i sramu.

Tvorac reče: nek sve teče, nek se kreće, nek zastaje,
Nek nastaje i nestaje, al' neka ne prestaje.

Nek izvire i uvire, nek se rađa i umire,
Samo svjetlo tvog Allaha vječno traje i ostaje.

Home

Majci i ocu

Skrušen tebi ja se molim
za tvoj halal majko mila
osjećam se dužnim tebi
za sve što si učinila.

Ja sam jeo a ti gladna,
Ja sam pio a ti žedna,
Ja spavao a ti budna,
Ja zaplačem a ti tužna.

Za svu milost u životu
neizmerno tebi hvala...

Znam da ključ od dženeta
je samo u tvojim rukama...

Znam da ključ od dženeta je
samo u tvojim rukama...

Tebi skrušen ja se molim
Za tvoj halal oče dragi...
Što ti bješe drugačiji
nego što je otac svaki...

[Home](#)

[Next page](#)

by Amsal M.

Ja zaplačem ti tuguješ,
Ja poželim ti donese,
Blagim glasom ti govoriš...

Ja pogrešim ti oprostiš
za svu milost u životu
neizmjerne tebi hvala..

Znam da vrata od dženeta
stoje u tvojim rukama...

Znam da vrata od dženeta
stoje u tvojim rukama...

Nek je Allah zadovoljan
s tobom majko oče dragi,
nek vam grjehe sve oprosti,
nek vam dženet on podari,
nek vam grjehe sve oprosti,
nek vam dženet on podari.

Home

Medžlisi zikír

Medžllsi zikir džennetska bašča
Piri Azam je baštovan baša
svi su ihvani vrlo radosni
pale se svjetla Turi Sinajska.

Nurli meleki s neba silaze
medžlisi zikir traže, dolaze,
nađu zakire budu radosni
zikir medžlisu odmah prilaze.

Kaza Pejgamber Hadisi-kudsi
kad zikir činiš Rabbu blizu si,
i ovaj hadis kaza Pejgamber
iz dženneta su zikir medžlisi.

[Home](#)

[Next page](#)

by Amsal M.

Hadis štujemo, zemlju ljubimo
u zikir halku kada sjedamo,
estagfirullah tubtu ilallah
nehejtu kalbi amma sivallah.

Zakiri svi u halku sjedaju
dunjaluk sav za leđa bacaju,
desno i lijevo lica okreću
srcem gledaju, jedno postaju.

Nebu visoko dižu se duše
Aršu Rahmanu bliže se više,
i Selim Sami u zikir halki
nađe i vidje ono najljepše.

Home

Moja duša kurban

Moja duša kurban za Tvoj put nek' je,
ime lijepo i sam, lijep je Muhammed,
Šefa'at učini robove jadne,
ime lijepo i sam, lijep je Muhammed.

Sallallahu ala Muhammed,
salallahu alejhi ve sellem.

Ko je mu'min i ima patnje goleme,
na ahiretu će blistat od sreće,
duša svih svjetova biće Mustafa,
ime lijepo i sam, lijep je Muhammed.

Sallallahu ala Muhammed,
salallahu alejhi ve sellem.

[Home](#)

[Next page](#)

by Amsal M.

Što sedam nebesa sejrani učini,
što nad prijestoljem dževlan učini,
što 'no na Miradžu za ummet moli,
ime lijepo i sam, lijep je Muhammed.

Sallallahu ala Muhammed,
salallahu alejhi ve sellem.

Šta bi Junuz s oba svijeta bez Tebe,
Hakk Pejgamber Ti si bez premca, mane,
ko Te ne poštuje bez imana je,
ime lijepo i sam, lijep je Muhammed.

Sallallahu ala Muhammed,
salallahu alejhi ve sellem.

Home

Muhammed je kruna svega stvorenoga

Muhammed je kruna neba, Kur'ana, ummeta,
svih svjetova i ljudi sa kraja na kraj svijeta.

Mevlaje salli ve sellim daimen ebeda
ala habibike hajril halki kullihimi.

Vjerovjesnik bistru vodu od mutne razluči
dobroti i lijepom brojni ummet poduči.

Mevlaje salli ve sellim daimen ebeda
ala habibike hajril halki kullihimi.

Gospodaru on zove, držimo se te riječi
uže od vjere naše niko neće presjeći

Mevlaje salli ve sellim daimen ebeda
ala habibike hajril halki kullihimi.

Naše želje Bože naš dragom biću prenesi
a grijeha Ti oprostí Ravnateljju nebeski.

Home

Mevlaje salli ve sellim daimen ebeda
ala habibike hajril halki kullihimi.

Nad Kevserom tuba lišće

Merhaba, ya Sunce vjere, merhaba,
merhaba, ya Pejgambere, merhaba!
Merhaba, mosus Fatimin, merhaba,
Ehlen we sehlen, merhaba, merhaba!

Svih nebijja evlija, merhaba,
Ti si behar – ahmedija, merhaba!
Ehlen we sehlen, merhaba, merhaba!
Merhaba, ya naš sultane, merhaba,
Ej mehlemei dermane, merhaba!
Merhaba, ya surmo sv'jeta, merhaba!
Ehlen we sehlen, merhaba, merhaba!

[Home](#)

[Next page](#)

by Amsal M.

Džibril bardak je izlio, merhaba,
A leden je prazan bio, merhaba!
Ehlen we sehlen, merhaba!

Horizont se zapalio, merhaba,
a Melek je zakasnio, merhaba!
Ehlen we sehlen, merhaba!

Ašik-Junus okopnio, merhaba,
što ti nije ashab bio, merhaba!
Nad Kevserom tuba lišće, merhaba!
Približit se – duša išće, merhaba!

Home

Naređeno slušajmo

Naređeno slušajmo
i milosti hitajmo
k'o bulbuli pjevajmo
Allah, Allah recimo.

Ime Allah vel'ko je
k'o ga sluša rob Mu je
a mu'mina put to je
Allah, Allah recimo.

Allah mi govorimo
iz srca Ga volimo
dok u tmuni živimo
Allah, Allah recimo.

[Home](#)

[Next page](#)

by Amsal M.

Kad u kabur stignemo
i pitani budemo
tvoj Gospodar ko je to
Allah, Allah recimo.

Junus reče stihove
Allah su mu sve želje
ugledati Mu lice
Allah, Allah recimo.

Home

by Amsal M.

Nemoj žalit suzama

Nemoj žalit suzama
Već se sjeti dovama
Nemoj da ti suza krene
Kad probudiš uspomene

Nemoj žalit oče moj
Kad ugledaš mezar moj
Nemoj da ti suza krene
Kad se sjetiš oče mene

Nemoj žalit suzama
već se sjeti dovama
Nemoj da ti suza krene
Kad probudiš uspomene

K'o da duša poleti
Sva u nuru izgori
Zastane kraj kapije
Ridvan čuvar avlije

Home

O, zefire

Ti si sunce koje blista s nebeskih visina;
Drugi resuli su zv'ezde što sjaje iz tmina.

Ti si kao cv'jet nježan, kao mjesec ponosan,
Ti si more od icrama, najljepši ti si san.

Kao sedef sjajni školjkin kada se rastvori,
Takav je tvoj osm'jeh blagi kada ga progovoriš.

Takav miris ne imade ni šafran ni mošus
Ko zemljica što pokriva tvoje t'jelo i kosu.

O, zefire, kad poletiš do medinskih strana,
Poselami onog što ga moja duša sanja.

Home

Od Mašrika do Magriba

Od Mašrika do Magriba,
svuda gdje se ezan čuje
ubijaju jata Tvoja, Tvoje ševe i slavuje.

Naše selo umuko je
pa nebesa tužna stoje
Al što više krvarimo,
sve više Te mi volimo!

Sve glasnije mi kličemo
i u zori osvićemo!
Ovog časa – dok ti spavaš -kolju grlo
jedne ptice!

Ubijaju – ni zbog čega – njeznu braću i sestrice.
Ovog časa – dok ti spavaš – na odžaku gnijezda pale.
Noćas mrznu – ni zbog čega – mrtve oči ptičje male.

Ovog časa – dok ti spavaš – novo jato na put kreće.
Grlimo se i gledamo koga sutra biti neće?

Home

by Amsal M.

Oprosti ja Rabb

Oprosti, ja Rabb, grijehe i mane
i pravim putem okreni mene.

Tebe vjerujem, Tebi robujem,
u Te se uzdam na danu sudnjem.

Crn od grijeha iako sam ja,
veća od srdžbe milost je Tvoja.

Ljubav za Tobom grije mi srce,
misli o Tebi vesele lice.

„La taknetu” su riječi Tvoje,
„Ne gub'te nadu u milost Moju.”

Najveća sreća jeste za mene
Ti zadovoljan da Si od mene.

Allahu, Allah, Allahu,
Allah, Allahu, Allah, elhamdulillah

Home

by Amsal M.

Pjesma mladom mjesecu

U plavkaste, u akšame,
kada, sretni, opazimo
luk srebreni tvoje palme,
mi dlanove ispružimo:

Sretno brodi tim prostranstvom,
mi smo tvoje čovjecanstvo!
da donese noćca svaka
blago nebo tvojoj ladi,
da dojedriš do destaka
i da nam se vratiš mladi.

Za tobom se okrećemo,
svoje lice umijemo
tvojim sjajem i mladinom,
lijepa naša mjesecino!

Kano i ti – mi postimo,
kano i ti – mi sjajimo;
iz nas vrije svjetlost mehka,
tako bliska, a daleka...

Home

Pogledaj nas Ja Rabbi

Pogledaj nas, jarabbi, odani smo mi Tebi,
Tvojoj l'jepoj Riječi; mi smo njeni bulbuli!

Ref:

Allahumme, Rabbi, illellah!
Allahumme, Hak si, illellah!
Tvoje lice – baki, illellah,
a sve drugo -fani, illellah,
a sve drugo -fani, illellah!

Naš je turban zeleni, a ogrtač maveni
i bensillah crveni, bojen na Qaf planini!

Ref:

Allahumme, Rabbi, illellah!
Allahumme, Hak si, illellah!
Tvoje lice – baki, illellah,
a sve drugo -fani, illellah,
a sve drugo -fani, illellah!

[Home](#)

[Next page](#)

by Amsal M.

Tur-i Sina kad čuje ezelske ilahije,
semmu čini, robuje, ne zna Musa šta mu je!

Ref:

Allahumme, Rabbi, illellah!
Allahumme, Hak si, illellah!
Tvoje lice – baki, illellah,
a sve drugo -fani, illellah,
a sve drugo -fani, illellah!

Hej, Grnčaru, stavider ruku na vrh pećnice!
“Sva ti gori, Halise, a plamen ne vidi se!”

Ref:

Allahumme, Rabbi, illellah!
Allahumme, Hak si, illellah!
Tvoje lice – baki, illellah,
a sve drugo -fani, illellah,
a sve drugo -fani, illellah!

Home

Potlje jednog ne miluj

Potlje Jednog ne miluj,
A drugog se ti ne boj,
Tko ne traži nije tvoj,
Allah, Allah, aškile.

Džehel kufru to je brat,
Ili sjedit', ili ležat',
Uzm' od Šejha ti bejat,
Allah, Allah, aškile.

Gledaj dušu i Rabba,
a dunjaluk neka ga,
Ti pogledaj rad' Rabba,
Allah, Allah, aškile.

[Home](#)

[Next page](#)

by Amsal M.

Devr ne čini nikoga,
Ti pogledaj svakoga,
I ne muči nikoga,
Allah, Allah, aškile.

Boljeg ništa ne ima,
Da ti znadeš šta ima,
Govorio bi daima,
Allah, Allah, aškile.

Srce vrlo ugrije,
Duša vrlo miluje,
Tebe vrlo opro je,
Allah, Allah, aškile.

[Home](#)

[Next page](#)

by Amsal M.

Grieh ti đunah ne bude,
Hadž-bajram kad bude,
Da li vidiš šta vide?
Allah, Allah, aškile.

Evlijanska merteba,
Od zemljeje do neba,
Golema je debdeba,
Allah, Allah, aškile.

ILHAMIJA murekkeb,
Neće ići u mekteb,
Već uzjaše na merkeb,
Allah, Allah, aškile.

Home

Pozívam te ínsane

Pozivam te insane
gdje god da si, ma ko si
posvjedoči Onome,
Onome što sve može.

Znadeš ti da ranjen si
znadeš i da zaboli
lijek tu kod tebe bdi
dušom ti ga pronađi.

Zar da budeš vjerni rob
ovog svijeta, prolaznog
šta ćeš onda ponijeti
kad pozove Jedini.

Tvoje tijelo prkosi
zemlja će ga pokriti
zar za njime da zališ
kada Rabbu odlaziš.

[Home](#)

[Next page](#)

by Amsal M.

Ja te budim, ne kudim
i za tebe sad molim
veo sumnje što nosiš
pa Istinu ne vidiš.

Sad pod noge baci sve
okove što odvode
od Izvora žednoga
od Allaha Jednoga.

Sebi dušman ne budi
za imetkom ne ludi
dušu svoju probudi
promijeni te svoje čudi.

Home

by Amsal M.

Puni mjesec nas obasja

Puni mjesec nas obasja
od senijetu-l-wedda
kevserom pojimo duše
dok čekamo Ahmeda.

Ti koji si od Allaha
cijelom svijetu poslan
doš'o si da ružičnjakom
namirišeš ovaj dan.

Doš'o si da grad medinski
osvijetliš k'o vir luna
amberom ti cvali puti
zbore ti srca puna.

Doš'o si da mirom siješ
naše duše zaspale
grudi kojim zemlju siješ
baščama ti listale.

Doš'o si da ljubav bratska
iz zlobe nas izvede
ruke ti se pozlatile
Ahmede, Muhammede.

Home

Rabba traži i uči

Rabba traži i uči,
Zikrullah ti sve uči,
Dohodićeš tu jači,
La ilahe illallah.

Ti nikoga ne muči,
Svoga nefsa poturči,
Uzmi Kur'an te uči,
La ilahe illallah.

Ako nećeš derviša,
Iz vire si iziša,
Sve dragi Bog okuša,
La ilahe illallah,

Oporuči sobom Bogu,
A ne idi na kavgu,
Allah ne da pod nogu,
La ilahe illallah.

[Home](#)

[Next page](#)

by Amsal M.

Što je takdir sve će biti,
A nemoj se ni s kim bit,
Ured će ga Bog ubit,
La ilahe illallah.

Traži dobro selamet
Ako hoćeš hidajet
Tvrđi sebi velajet
La ilahe illallah.

Ilhamije ne falim,
Doli gori ne palim,
Na dušek se izvalim,
La ilahe illallah.

Home

S dunjaluka ić' počesmo

S dunjaluka ić' počesmo
Ko ostaje selamimo

Ko nam hajir dovu čini
Od srca ga selamimo.

Edžel nas je oslabio
Usta nam je otvorio.

Za nas bolne dok ležimo
Ko upita selamimo

Ko nas bude otkrio
Ćefine nam sašio.

[Home](#)

[Next page](#)

by Amsal M.

Ko nas bude gasulio
Od srca ga selamimo.

Griješnim sallu mi učimo
Našem dostu polazimo.

A dženaze klanjačima
Selam miraz ostavimo.

Derviš Junus govorio
Potokom je suze lio.

A sve znane i neznane
Što ostaju selamimo.

Home

by Amsal M.

Sallallahu ala Taha

Dragi Taha, Mustafa,
kad polaziš ti nama,
stojimo na nogama -
ta'zim, ya Resulallah!

Tvoje srce plačno je,
šta nas čeka - znano je.
Mu'min - muslim ko 'no je -
šućur, ya Resulallah!

Ko god islam uzdigne
svako dobro postigne.
On je lijek za silne
rane, ya Resulallah!

Derviš Junuz govori:
tebe štimam i volim.
Svaku muku prebolim
aškom, ya Resulallah.

Sallallahu 'ala Taha,
hayri-l-halqi we ehleha!

Home

Šehidi

Šehidi, hej miljenici, gdje ste vi?
Kraj česme hej, stoji peškir vezeni.
I bardak hej, od kojeg smo stvoreni
šehidi, hej miljenici, gdje ste vi?

Šehidi, hej evlijade, gdje ste vi?
U prahu, hejtrag tabana bosenih.
Ko klanja hej, na sofama zelenim?
Šehidi, hej evlijade, gdje ste vi?

Šehidi hej, mirišljivi, gdje ste vi?
Kraj sela hej, dvorci vaši po Bosni.
U bašci hej, pokošeni cvjetovi.
Šehidi hej, mirišljivi, gdje ste vi?

Šehidi ptice bijele, gdje ste vi?
K'o laste hej, selice ste veseli.
Skup zvijezda hej, u tespihu treptavih.
Šehidi ptice bijele, gdje ste vi?

Home

Šehidi miljenici gdje se vi.

by Amsal M.

Sellam ya resulallah

Kad mi srce obuzme
ašk za tobom Resule

Ko ruža se nasmije
selam ja Resulallah

U sve noći i dane
ti mi liječiš sve rane
oba svijeta Sultane
u sve noći i dane

Junuz Džemal s aškom
suze lije potokom
kurban on je dinu tvom

Home

Sidi sa brda svjetlosti

Dodi, Najdraži, sidi sa Brda svjetlosti!
Čudan, usamljen, mi nismo znali zašto si!

Sidi, Najdraži, snaga je s tobom velika,
Mi smo korito, a ti si bujna rijeka.

Dodi, dodi, i r'jeku poljem navrati,
dodi, dodi, potoci njoj će trčati!

Dolje, Najdraži, tmina je pala pregusta!
Ovdje – laž je, iskrivila im je usta!

Ti nam kazuješ: Ja sam sa vama podjednak!
Ali, Najdraži, dragulj je kamen i prvak.

Kad stigneš gore, gdje čuješ škripu od pera,
kada, Najdraži, ugledaš Lotos Munteha,
sidi, sidi, vrati se, budi sve uz nas,
jera, bez tebe, mi ćemo lutat, tražit spas!
Sidi, sidi, sidi, sidi, sidi, sidi, sidi, sidi...

Home

by Amsal M.

Srce ima vrela dva

Srce ima vrela dva:
veselja i kahara.

Pa kad jedno provrije,
drugog ko da i nije.

Allah, Allah, ya Allah,
Tvoje tajne ko da zna?

Allah, Allah, ya Allah,
kod Tebe je svaki kraj.

Ispod vrela šerbeta
nađem gorkog lezzeta,
a vrelo od čemera
sva veselja otjera.

Kako da ne placem ja,
zbog svojijeh halova?
Kako plakat, zuhdijo,
u nimetu bezbrojnom?!

Čim se lice nasmije
u zelenog sufije,
o kaburu se javi
mis'o koje pomavi.

Home

by Amsal M.

Taleal bedru alejna

Taleal bedru alejna
min senijetil veda
vedžebe šukru alejna
ma dealillahi da.

Ejuhel meb usu fina
džite bil emril muta
džite šerreftel medina
merhaben ja hajreda.

Ente šemsun ente bedrun
ente nurun ala nur
ente misbahu ssurejja
ja Habibi ja Resuli.

Home

Tebe trebam

Za te ljubav obuze me,
Tebe trebam, samo Tebe.
Danju, noću, samo gorim
Tebe trebam, samo Tebe.

Nit' bogatstvu radujem se,
Nit' nemanjem teretim se,
Tvojim aškom utješim se
Tebe trebam, samo Tebe.

Ljubav za Te uništi me,
Aška more proguta me,
Moći svojom ispuni me
Tebe trebam, samo Tebe

Potrgaću sve okove,
Prohodiću lud planine,
Na Te mis'o obuze me
Tebe trebam, samo Tebe.

[Home](#)

[Next page](#)

by Amsal M.

Kad bi me i ubili,
Moj pepeo razasuli,
Krik pepela bi začuli
Tebe trebam, samo Tebe.

Džennet, džennet neko veli
hurije i dvorac b'jeli,
to daj onom ko to želi
Tebe trebam, samo Tebe.

Yunus ti je moje ime,
od iskona već boli me,
S oba sv'jeta jedno ht'jenje
Tebe trebam, samo Tebe.

Home

Teku rajski potoci

Teku rajski potoci
“Allah, Allah!” zboreći,
Din-bulbuli izašli
Allah, Allah, Allah! pojeći.

Tube s grane svijaju,
Kur'an uče, ne staju,
A ružice džennetske
Allah, Allah, Allah! mirišu.

Lica sjajnog k'o mjesec,
Riječi slatke k'o šećer,
U Džennetu hurije
Allah, Allah, Allah! šeću se.

Otvori se kapija,
Rahmet sve nas opija,
Svih se osam kapija
Allah, Allah, Allah! otvara.

Ridvan čuvar kapije,
raj-odjeću što šije.
Kevser vrelo ko pije
Allah, Allah, Allah! sretan je.

Home

by Amsal M.

Tobe dođimo

Tobe dođimo,
Suze prolijmo,
Brate, ne stojmo,
Allah recimo!

Riba u vodi,
Ptica u gori,
Allah sve zbori.
Allah recimo!

Sve životinje,
Bilje, kamenje,
Njega spominje.
Allah recimo!

Mu'min koji je
Boga vjeruje.
Nek' Mu robuje!
Allah recimo!

[Home](#)

[Next page](#)

by Amsal M.

Boga ko voli
Njega sve moli.
On ga zavoli.
Allah recimo!

Za din prihvati,
Srce očisti,
Prod' se ludosti.
Allah recimo!

Za put se spremaj,
Zadnji ne ostaj.
Bud' se, ne spavaj.
Allah recimo!

La ilahe illallah
La ilahe illallah

Home

U dregjahu mog srca

U dregjahu mog srca,
U dregjahu mog srca,
Jedna r'ječ iman kuca:
La ilahe illallah.

Što je više govorim,
Što je više govorim,
Za njom više ozednim.
La ilahe illallah.

Vali mora zelenog,
Vali mora zelenog
Kriju školjku srca mog.
La ilahe illallah.

Nikom ne dam horove,
Nikom ne dam horove
Štono prave grozdove.
La ilahe illallah.

[Home](#)

[Next page](#)

by Amsal M.

Niko vidjeti neće,
Niko vidjeti neće
Sedef kako se meće.
La ilahe illallah.

Niko saznao nije,
niko saznao nije
Grubi oklop šta krije,
La ilahe illallah.

Junuz-Džemal govori,
Ašik Džemal govori
Dok u njemu krvca vri:
La ilahe illallah!

Jedan Allah – Jedan je,
Jedan Allah – Jedan je,
Nejma veće istine
La ilahe illallah.

Home

U Medínu pošao bih

U Medinu pošao bih
Rumen ružu sejrio bih
Njezin miris tražio bih
Zato plačem, za tim čeznem, u tom gorim.

Poslaniče, ružo sreće
Lijek si srcu ranjenome
Pružraš pomoć potrebnome,
Zato plačem, za tim čeznem, u tom gorim.

Revda tvoja, džennet bašča
Nurom blista i miluje
Svaku dušu obraduje,
Zato plačem, za tim čeznem, u tom gorim.

Salavate donosimo,
Da se tebi približimo
Tvoj šefa'at dobijemo,
Muhammede, Poslaniče, Miljeniče.

Home

Ya ilahí

Ovaj put je neznani,
Stvoritelju milosni,
Kad mi dušu zovneš Ti,
Neka zbori Ja Rabbi.

Tvoje Ime na usnama,
To i duša osjeća,
Da Te voli srcem svim,
Tebe trebam Ja Illahi.

Ref:

Sad Kad duša putuje,
Svome domu vječnome,
Uz odsjaj sudbine,
Zbori Allah Jedan Je,
Zbori samo Ja Illahi.

[Home](#)

[Next page](#)

by Amsal M.

Ja Rahmanu Ja Rahim,
Uputi me Ja Allim,
Kad me zovneš Ja Kerim,
Smiluj mi se ja Dželil.

Tvoje Ime na usnama,
I u srcu molitva,
Da budemo on onih,
Koje voliš Ja Illahi.

Ref:
Sad Kad duša putuje,
Svome domu vječnome,
Uz odsjaj sudbine,
Zbori Allah Jedan Je,
Zbori samo Ja Illahi.

Home

Za licem tvojim

Za licem tvojim zore požure,
a noć pocrni od kose ti crne,
putovodo u tami, o, bajraktaru
divne sjajne krune!

Sačekaj me, sačekaj, ya Resulallah,
sačekaj me, sačekaj, ya Habiballah!
Dolazim ti, dolazim, ya Nebijjallah,
dolazim ti, dolazim, ya Sefiallah!

Diko naša, mi gledamo u te,
ah, krenuli smo tvojim vjernim putem.
Tebi se raduju palme povinute
ah, i Mjesec i zvijezde zabrinute...

[Home](#)

[Next page](#)

by Amsal M.

Džibril ti dode u noći zvijezda,
ah, ah, i ti iza Arša plavog nesta...
Drvo krene, kamen zbori,
ah, mjesec se polovi
od tvoga išareta...

Bože Milosni, – ya Allah! –
i mi u Bosni slijedimo Muhammeda!
Fe Muhammeduna huwe seyyidina!
Ah, Ummet ćemo biti njegov ebeda*!
Salli ya Rabbi..

Home

Za te ljubav obuze me

Za te ljubav obuze me,
Tebe trebam, samo Tebe.
Danju, noću, samo gorim,
Tebe trebam, samo Tebe.

Nit' bogatstvu radujem se,
Nit' nemanjem teretim se,
Tvojim aškom utješim se,
Tebe trebam, samo Tebe.

Ljubav za Te uništi me,
Aška more proguta me,
Moći svojom ispuni me,
Tebe trebam, samo Tebe.

Potrgaću sve okove,
Prohodiću lud planine,
Na Te mis'o obuze me,
Tebe trebam, samo Tebe.

[Home](#)

[Next page](#)

by Amsal M.

Kad bi me i ubili,
Moj pepeo razasuli,
Krik pepela bi začuli,
Tebe trebam, samo Tebe.

Džennet, džennet neko veli,
hurije i dvorac b'jeli,
to daj onom ko to želi,
Tebe trebam, samo Tebe.

Yunus ti je moje ime,
od iskona već boli me,
S oba sv'jeta jedno ht'jenje,
Tebe trebam, samo Tebe.

Home

Zašto ječiš moj dolape

Zašto ječiš moj dolape?
Dert ja imam pa ti ječim
Illallah hu hu hu hu.

Ja postadoh ašik Haqqu
Evo zašto ječim vako
Illallah hu hu hu hu.

Dertli dolap ime mi je
Fačam vodu u slapove
Illallah hu hu hu hu.

Odredio Haqq je tako
Evo zašto ječim vako
Illallah hu hu hu hu

[Home](#)

[Next page](#)

by Amsal M.

U planini nađoše me
Ruke, krila iščupaše
Dolapo me načiniše
Illallah hu hu hu hu

Vodu teglim iz nizine
pa je sipam sa visine
Illallah hu hu hu hu

Zikir činim time Haqqu
Evo zašto ječim vako
Dert ja imam pa ti ječim
Illallah hu hu hu hu

Ašik Junuz ah ah ječi
Suza očna grijehe čisti
Illallah hu hu hu hu

Billahi sam Ašik Hakku
Evo zašto ječim vako
Dert ja imam pa ti ječim
Illallah hu hu hu hu

Home

Zbog tebe

Ti si ruža dženetska, najlješpega mirisa,
ti si čežnja mu"minska, uzdah aška iz prsa. 2x

Zbog tebe, zbog tebe, Ahmede Muhammede,
moja duša tuguje, da te grli sanjuje. 2x

Ti si milost, nam i dar, žarko sunce Islama,
da sam Bog dao bio bar, prah pod tvojim nogama. 2x

Zbog tebe, zbog tebe, Ahmede Muhammede,
moja duša tuguje, da te grli sanjuje. 2x

Ah što nisam lahor blag, nad Medinom razdragan,,
da milujem Revde prag, dok ne klonim uplakan. 2x

Zbog tebe, zbog tebe, Ahmede Muhammede,
moja duša tuguje, da te grli sanjuje. 2x

Home

Zovemo te

Zovemo Te suznim okom,
zovemo Te čežnjom naja,
zovemo Te dertom duše,
ostale bez zavičaja.

Zovemo Te iz daljine
noći duge i besane,
iz papuča zaprašenih,
vrelim prahom iz pustinje.

Zovemo Te dlanovima
ispruženim u dovama,
zovemo Te namazima
i mu'minskim saffovima.

[Home](#)

[Next page](#)

by Amsal M.

Zovemo Te časnim društvom,
s Ahmedovim ashabima,
zovemo Te mošus krvi,
za din palim šehidima.

Zovemo Te u sabahe,
u akšame, u jacije,
zovemo Te svakog časa,
da nas Tvoja ljubav zgrije.

Lice Tvoje svi tražimo
u blizini Tvog Džemala,
svi ovisnost osjećamo,
Beskrajna Ti, Bože, hvala.

Home